



Broj: 10/E-11-997/25  
Sarajevo: ~~17-02-2025~~ godine

Na osnovu člana 10c. stav (5) i člana 18. stav (2) Zakona o javnim nabavkama („Službeni glasnik BiH“, broj 39/14, 59/22 i 50/24) u daljem tekstu: Zakon, člana 69. Statuta Općine Centar Sarajevo – Prečišćeni tekst („Službene novine Kantona Sarajevo“, broj 23/04), a u skladu sa zahtjevom Službe za privredu i poslovne prostore od 11.02.2025. godine, Opštinski načelnik d o n o s i :

## **O D L U K U**

### **o izuzeću od primjene Zakona o javnim nabavkama**

#### **Član 1.**

Od primjene Zakona o javnim nabavkama izuzimaju se usluge plaćanja naknada JP Elektroprivreda BiH za povećanja priključne snage, nove priključke, pribavljanje elektroenergetske saglasnosti, uključenja i isključenja sa niskonaponske mreže poslovnih prostorija u vlasništvu Općine Centar Sarajevo.

#### **Član 2.**

Procijenjena vrijednost nabavke usluga iz člana (1) ove Odluke bez PDV-a iznosi ukupno 21.360,00 KM, a sredstva su planirana u Budžetu Općine Centar Sarajevo za 2025. godinu, na budžetskom kontu: 613727-9.

JRJN: 98390000-3 – Ostale usluge.

#### **Član 3.**

Ova Odluka stupa na snagu danom donošenja, i ista će biti objavljena na web stranici Općine Centar Sarajevo.

## **O b r a z l o ž e n j e**

Na osnovu zahtjeva Službe za privredu i poslovne prostore od 11.02.2025. godine za nabavku usluga plaćanja naknada za povećanje priključne snage, nove priključke, pribavljanje elektroenergetske saglasnosti, uključenja i isključenja sa niskonaponske mreže poslovnih prostorija u vlasništvu Općine Centar Sarajevo, Kabinet općinskog načelnika – Odsjek za javne nabavke predlaže odluku o izuzeću.

Članom 18. stav (1) Zakona o javnim nabavkama, propisano je da ugovorni organ pokreće postupak javne nabavke donošenjem odluke o pokretanju postupka javne nabavke u pisanoj formi, dok je stavom (2) istog člana propisano da u slučaju izuzeća od primjene iz člana 10. ovog zakona ili za dodjelu ugovora o nabavci usluga iz Aneksa II, ugovorni organ dužan je donijeti odluku koja, osim zakonske osnove za izuzeće od primjene ovog zakona, sadrži osnovne elemente iz stava (1) tačka b), c) i d) ovog člana.

Članom 10c. stav (5) Zakona o javnim nabavkama, propisana su izuzeća od primjene odredbi ovog zakona, gdje je definisano:

*„Ovaj zakon ne primjenjuje se na sklapanje ugovora isključivo između dva ili više ugovornih organa ako su ispunjeni svi sljedeći uslovi:*

- a) ugovor se utvrđuje ili ostvaruje saradnja između tih ugovornih organa s ciljem osiguravanja da javne usluge koje oni trebaju pružiti ostvaruju njihove zajedničke ciljeve;*
- b) ta saradnja uspostavljena isključivo na osnovu potreba vezanih uz javni interes;*
- c) ti ugovorni organi ostvaruju na otvorenom tržištu manje od 20 % djelatnosti na koje se odnosi saradnja.*

Predmetne usluge se mogu obezbijediti od ovlaštenog snabdjevača distributivne mreže i to JP Elektroprivreda BiH.

Naime, odredbama Zakona o električnoj energiji („Službene novine Federacije Bosne i Hercegovine“, broj 66/13 i 94/15), odredbama Pravilnika o snabdjevanju kvalificiranih kupaca električnom energijom i postupku promjene snabdjevača („Službene novine Federacije Bosne i Hercegovine“, broj 89/14), Vlada Federacije Bosne i Hercegovine, kao suvlasnik JP Elektroprivreda nadležna je za provođenje dijela pružanja javne usluge u elektroenergetskom sektoru.

Saradnja između federalnih organa, javnih preduzeća i općine se ostvaruje s ciljem osiguranje javne usluge, kojom se ostvaruju zajednički ciljevi, a to se odnosi na korištenje distributivne mreže za stanove koji su u vlasništvu Općine Centar Sarajevo. Cijene predmetnih usluga su propisane odlukom FERK-a, a na osnovu člana 45. stav (4) Opštih uslova za isporuku električne energije („Službene novine Federacije BiH“, broj 89/14, 7/18 i 84/19) i Odluke o jediničnim iznosima naknada za priključenje na distributivnu mrežu („Službene novine Federacije BiH“, broj 104/14).

U skladu sa naprijed navedenim ispunjeni su uslovi za izuzeće od primjene Zakona o javnim nabavkama ("Službeni glasnik BiH", broj 39/14, 59/22 i 50/24) u skladu sa članom 10c. stav (5).

Za predmetne usluge se neće zaključiti ugovor, a računi o izvršenim uslugama će predstavljati realizaciju istih.

U skladu sa članom 75. stav (1) Zakona o javnim nabavkama, za svaku izvršenu uslugu će se Agenciji za javne nabavke dostaviti izvještaj o provedenom postupku javne nabavke putem izuzeće.

Analizirajući predmetni zahtjev, utvrđeno je da su ispunjene pretpostavke za realizaciju navedenih usluga, odnosno da su finansijska sredstva za ove namjene planirana u Budžetu Općine Centar Sarajevo za 2025. godinu, na budžetskom kontu: 613727-9.

Shodno zakonu i općim aktima Općine, Opštinskom načelniku dostavlja se prijedlog Odluke o izuzeću od primjene Zakona o javnim nabavkama.

Cijeneći prethodno navedeno donesena je Odluka kao u dispozitivu.



**Dostaviti:**

1. Službi za *privredu i poslovne* *prostore*
2. Kabinetu općinskog načelnika - Odsjeku za javne nabavke
3. Službi za finansije
4. Evidenciji